

Ademas di tin otro hoben di 14 aña embaraza....

Homber di 18 aña a tene relacion cu menor di 13 aña

ORANJESTAD(AAN):Un mama hopi preocupa y desapunta cu henter desaroyo di un caso cu e ta involvi a dicidi di acerca nos pa asina conta kico a pasa. Aki su yiu di 13 aña di edad practicamente a ser mal usa pa un homber di 18 aña di edad. Esaki ta algo completamente contra ley y keto bay e homber di 18 aña aki ta cana rond los riba caya sin cu polis a pone man riba dje. Nos tin informacion cu tin un orden di detencion pa e homber aki biba na Rooi Koochi, pero ainda e ta cana los y a expresa na e mama di e criatura di 13 aña cu e lo no bay sera pa coy kens pasobra cu e por bay sera pa hincamento of matamento. Hopi tristo mes pasobra e hoben di 13 aña na dos ocasion a ser mal usa of abusa y e mama ta haya cu un homber asina ta un peligro pa henter e vecindario. Ademas di su yiu di 13 aña cu a bira victima tin tambe un otro hoben di 14 aña di mesun vecindario cu ta sperando un baby di mesun homber aki, pero e mayornan di e hoben di 14 aña no kier entrega keho aparentemente.

Mama di e hoben di 13 aña ta haya cu el a cuminsa cana e caminda legal buscando husticia, pero ya caba tin mas cu 10 dia cu el a haci keho nan autoridadnan y te ainda nada no a sosode. Tur cos a cuminsa algun tempo atras ora cu e hoben di 13 aña a ser pidi pa e propio tanta di e mama pa bin yuda laba paña. E hoben aki inocentemente a bay yuda pasobra el a haya permiso di su mama tambe mirando cu aki ta famia. Nunca nan por a biba pensa cu e mesun tanta di e mama di e hoben di 13 aña kende tin 60 aña por a hunga henter un wega pa asina su nieto cu ta e homber di 18 aña por a haya acceso na e hoben di 13 aña y tene relaciona cune. Despues di e caso aki ainda un biaha mas e homber di 18 aña a forza e hoben di 13 aña tene relacion den su mesun cura di cas ora cu e hoben tabata preparando su mes pa

bay school. E hoben actualmente ta bao tratamiento di antibiotica pasobra e homber aparentemente lo a peg'e cu un malesa contagioso cu por tin consecuencia serio pe den futuro si no atende na tempo. E departamento di malesanan contagioso tambe ta na altura di e caso aki, pero ainda nan no por a yega na e homber di 18 aña pa asina busca su drechi riba e supuesto malesa cu el e pega e hoben di 13 aña cune. Husticia y un biaha mas husticia ta loke cu e mama di e hoben aki ta pidi pasobra si el a tuma ley den su mesun man awe si polis lo a bin buske caba. Awor un homber di 18 aña cu a comete algo contra ley cu un menor die dad di 13 aña, otro di 14 aña y algun tempo atras tambe cu otro di 17 aña ya caba ta bayendo den un direccion hopi robez y te hasta ta bira un persona

peligroso pa e vecindario den Rooi Koochi. Pa colmo e ta biba cerca su wela cu parce ta na altura pa no bisa di ta complice di e casonan aki. Durante e dia di awe un carta

di e mama ta bay pa ministerio publico exigiendo pa husticia si te ainda tin pa esnan cu ta busca caminda legal pa cana sin cu mester tuma ley den nan man.

Suplica

Mayornan, bo sa unda bo yiu ta slenter awe?


ORANJESTAD (AAN): Awe ta prome dia di vakantie di October. Mayornan sa unda nan yiu lo ta 'slenter' henter dia?

Esnan cu no tin adulto na cas pa supervisa nan teenagernan, por fabor haci algo. Pasobra no por ta asina cu bo ta laga muchanan nan so na cas, y nan ta bay molestia bisiña.

Busca un opvang, of sikiera check si nan por keda na abuelo of abuela.

Esaki ta un suplica cu DIARIO a ricibi di un lector, kende ta spera cu kizas asina lo bay minimaliza e problemanan cu Polis lo topa cu hubentud e siman aki riba caya.

M.O.= MAS ONDERZOEK!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Tur Pronkstuk
di Dolfijn na
50% OFF
SALE - SALE

TELEFONNAN DI DIARIO

582-6747- FAX 582-8551